



DEO OPTIMO MAX. UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manē discutienda in Scholis Medicorum, die Sabbati trigesimā
Decembris, anno Domini M. DCC. XLI.

M. GASPAR COCHON DUPUY, in Arce Maritimā
Rupifortensi Anatomes & Chirurgiæ Professore Regio,
Doctore Medico, Præfide.

An in ipso exortu febrium intermittentium statim ut plurimum Kinakina?

I.



N rerum naturā generatio omnis parvis ac debilibus principiis incipit, crescendo roboratur: rerum verò quæ secundum naturam generantur, & earum quæ contrā aut præter naturam fiunt, par debilis ortus, diversa tamen accretionis progressio, cum una quæque ad modum & robur speciei suæ capiat incrementum. Vegetabilium omnium, tum robustiorum arborum, tum planarum delicatiorum germina distrumpas levi unguis ictu. Nec solidiora sunt animalium prima stamina, Leonis aut Elephantis æque ac Pulli vel Agni ovula fecundata minimā vi possis conterere. Ita morborum initia primaque rudimenta parva sunt & debilia, quæ facili negotio possumus diruere. Sed ut plantarum & animalium, sic morborum principia diversa ad normam speciei suæ adoleſcunt. Quædam viribus suis & ferociâ, naturæ auxiliis, medicamentorumque potestatibus superandis paria evadunt. Quædam in leves, transitorios & periculi expertes affectus desinunt. Cum igitur morborum omnium parva sint initia, & quæ possint facili dissolvi, maximè interest ut medici invigilent perquirendis & cognoscendis magnorum præcipue morborum principis, ut maturè adhibitis auxiliis, eorum incrementi & summæ vehementiæ pericula prævertant. Sic in Plethoricorum repentinâ vertigine, adeoque ruentis ad Cerebrum sanguinis impulsu primo, largâ venæ sectione imminantibus Apoplexiæ gravissimis periculis prospici-

A

2
 citur. Sic in subito & acriter punctorio lateris dolore, venæ sectione statim adhibita, tum & potentibus admodum lateri resolventibus, impactus membranae costas succingenti paucus dolens humor tollitur, atque inflammatio quæ Pleuritidis est, præciditur. Sic in renum gravitate obtusa, urinis tetroco-salinam hypostasim vehentibus, apto regimine & laxantibus, sed maxime usu aquæ puræ, vel levis infusi foliorum Thè assiduo, jugiter foras amandantur tenues arcu-
 nulae, eaque ratione doloris Nephritici & ipsius vesicæ calculi causa climinatur, dum neque crassa arena in uretrocibus, neque nucleus in vesicâ usquam compingitur. Sic in Chirurgiâ, avulsâ spinâ partem nervicam pungente, vel emissâ rodente sanie per maturam Panaritii apertionem, inflammatio, febris, delirium, abscessus, gangrænaque ipsa præcaveatur. Eodem sanè successu febrium intermittendum labores, diuturnos languores, & sæpè funestos exitus præcavebis, dum cognitis eorum primis initibus obviam.

I I.

INTER morbos quibus genus humanum conficitur frequentissimæ sunt febres inter-
 mittentes, quæ scilicet statim temporibus quiescunt & recurrunt. Noxæ sunt variae earum periodi. Harum alia tertiana, alia quartana, alia quotidiana, est & febris tertiana duplex, quartana quoque duplex triplexve. Nota sunt & varia earum symptomata, pro ratione periodi diversæ, temperamentis ægotantis, & tempestatis anni. Omnis tempestas febribus intermit-
 tentibus est obnoxia, frequentius tamen æstatem & autumnum sæviunt. Vere brevioris tempor-
 durationis & facillioris curationis, æstate vehementiores, autumno longiores, pernicioses, sæpè lethales. Tertianæ ver, duplices tertianæ æstatem & autumnum, quartanæ autumni finem & hiemem affectant. Harum omnium, jam plurimis paroxysmis firmatam curationi, usu recepto, Medicis obicitur, cum turbata animali œconomia universâ, non febris ipsi, sed symptomatismus occurrendum est, incumbit quæ Medico sanguinis impetum frangere, & feras
 cordis vasorumque omnium oscillationes vibrationesque pacare venæsectione, deinde Cæc-
 chymie proventum appositis Cathartis eliminare, antequam ad ipsius febris curationem accē-
 dere audeat. Longè citius, tutius, jucundiusque res ægrotum procederent, si Medicus maturè
 consultus, ad febres nascentes, vel saltem ad primam febrium accessiōem vocatus, non
 motum sanguinis ferum, non humorum turbas, non corporis totius præcipueque capitis dolo-
 rem, sed febris prima nudaque rudimenta inveniret oppugnanda. Febrium autem inter-
 mittentium ortus luminens manifestis his signis se prodit: anxietatibus quandoque perio-
 dicis, corporis habitus: sono irrequieto: transitoriis articulorum doloribus quasi vellicato-
 ris: capitis lingue siccitate aspera: ventriculo satuo & inappetente: alvi perturbatione & in-
 becitate modicâ & ingrata: excretionum alvi colore minus saturato: urinarum infolito rubore
 & calore. Omnia hæc vel eorum plura si contingant, præcipue grassante febrili intemperie,
 febrem insitare cetero denunciant. His signis & symptomatismi vides consueverim per quas stat
 sanitas evacuationum perturbationem, eamque in ventriculo, intestinis & hepate, cujus
 causam in æris intemperie, fructuum horariorum usu immodico, gulæ intemperantiâ, ma-
 xime autem in insensibilis perspirationis constanti regulâ interruptâ, positam reperies, cujus
 magnitudo & principis ad sanitatem tuendam secretionis regressus, statim ventriculo & in-
 testinis & ipsi hepati incumbit, chyli elaborationem turbat, salivæ liquoris crassam immutat,
 bilis secretionem moratur atque alieno sero inficit. Unde enim in paroxysmis febrium tam
 sævæ hypochondriorum symptomata, tot angustię, cardialgie, defectiones animi, nausæ,
 vomitus, nisi ab intercepto vel tardato æstuosi sanguinis motu per venam portarum in
 maximum hepatis viscus, ad bilis summæ utilis transcolationem? Hic mirabimur, tantum
 viscus & tanto apparatu circumdatum, in explanandis febrium rationibus sæpe mandatum
 oblivioni, cum sanguinis & bilis tractus per magnum hepatis interturbatus, Epilipi, Ventriculi,
 Pancreatis, Lienis & intestinorum venas, sanguinis ad portam refluus regurgitatione oneretur
 & impediatur, arterias que omnes horum viscerum agat in furorē. Unde lævi nervorum Ere-
 thismus, & immania symptomata, donec devicto obice, sanguinis libera progressio fuerit
 restituta.

III.

DUM febris intermittens in supra notatis prænuntiis versatur, in ipsis cunis venit ex-
 tinguenta. Id cetero præstat Kinakina, cortex scilicet arboris Peruvianæ, quæ merito
 arbor vitæ dici potest, remedium mirabile quod solum febri fugi nomen meretur. Sponte
 nascitur in Americæ Meridionalis regione Peruvia dictâ, prope Loxam seu Loiam, in montibus
 Ex Stephani.
 & Colubina. qui hanc urbem cingunt, sexaginta leucas ab urbe Quito. Eligatur cortex peruvianus admodum
 tenui Medici. siccus, foras scaber, fuscus, aliquando musco canescente obductus, fissuris circularibus leviter in-
 cisus, immixtus esse vel rubens, seu colorem cinnamomi visui referens, sapore non ingrato & aromatico
 amaro, odore quasi mucido leviter aromatico, dentibus attritus friabilis, non viscidus & glutinosus,
 non asperus, non effusus & amosus, non insipidus, non adulteratus quocunque alio cortice juco aliove
 medicamento. Res febri fugâ hujus corticis jam diu laudis innotuerat, cum Europæi ad has regiones pervenerint.
 Perum ex cæcis ludæis erga Hispanos Peruvios doctores concepto magnum hoc remedium de industria

celabatur usque ad annum 1640, quo Loxæ Praefectus de quodam Hispano benemeritis gratitudinis causâ hocce remedium accepit. Paulo post in urbe Linâ uxor Proregis febre venientia sevisiimâ correpta fuisse decumbere videbatur, quæ Praefecti Loxæ consilio corticem preparatum sumpsit, & stupentibus omnibus statim convalescit. Discedente autem Perrege ex Indiâ ubi in Hispaniam revergens est, illud periebat rumor de nova hac febrifugo, quod post experimenta frequenter facta totis agrum semper & ut que respondebat. Quin & Pater provincialis Societatis Jesu in Americanis Regionibus, in Italiam rediit magnam hujus corticis copiam secum attulit, quem ope Patrum sui Ordinis per totam Europam notum fecit & sparsit. Unde apud Anglos Jesuitici pulveris nomen retinet. Novum hoc remedium suis ipsis stupendis ac inauditis effectibus, initio popularibus, Medicisque etiam suspectum habitum, paulatim innumeris felicibus experimentis fiduciam meruit publicam; sed quæ nec adhucdum universalis est. Febris causam, inquirunt, non fugat, sed intus figit, paucos post dies aut hebdomadas, cum symptomatis acerbioribus recrudescens. Motum sanguinis efferum oculis sistendo, lethales morborum repentiorum causas parat. Insensus est ventriculo: Pectus lædit: viscera obstructionibus infarcit. Quæ exprobrationes omnes tribuendæ vulgaribus præjudiciis quidem, sed & quibusdam Medicis stupentibus antiquas curandi febrium rationes, tot laboribus & vigiliis acquisitas, adventu simplicis hujus medicamenti, deinceps irritas futuras. Kinakina stomachicum amarum eximium, non figendo curat, sed corrigendo febrilem humorem, eumque laxato viscerum Erethismo, eliminando per alvum, per urinas, per sudores, maximeque per insensibilem halitum. Recidivarum causa est parvus & timidus corticis usus, qui si per aliquot hebdomadas confidenter sumatur, febres non recurrere, experientia demonstratum est. Periculosas economiæ animalis turbas, cum accidunt, non remedio sed Medentis incuriæ referimus qui plethoricis & omnium humorum colluvie fatis, febrilibusque etiam inflammatoriis illud adhibet, neglectis necessitatibus generis vacationibus. Neque Pectori, neque Stomacho insensum est medicamentum illud, quod maturè adhibitum à pulmonis exitio & à ventriculi ruinâ, consuetis febrium sibi permissarum finibus, cetero præcavet: præcavet & à viscerum obstructionibus quæ diuturnas autumnales febres perpetuo subsequuntur.

I V

VERUM injustas omnes has objurgationes amoliri, vimque verè specificam mirabilis hujus corticis febrifugi nitide cognoscere facile est, si statim ab initio & in primis febrium intermittentium moribus adhibeatur. Modum quo febrium causas demolitur vix possunt percipere inter perturbaciones & multitudinem symptomatum in febribus formati, plurimique accessionibus confirmatis: sed in earum prænantis, vel exortu, aut iis unius tantum paroxysmi commotione constantibus, intermissione nitida superveniente, corticis agendi rationem & febrem fugandi modum dilucidè conspicias. Ut primum ventriculus vim ejus sentire incipit, turbantur intestina leni murmure, sequitur mox alvi fluxus moderatus, commodus, non acerbis, quo febrilis humor qui in primis vis adhuc commoratur, blandè abicitur: ut videre est in fluxibus alvi morborum judicatoriis, cum natura nocivum humorem coctum & fluidum factum, quasi seligit & foras amandat, cum ægri præsentem levamine & sensu quodam delectationis. Hic singulari animadversione notabis, atque inde cognosces, specificam medicamenti potestatem adversus febrilem humorem, corticem Peruvianum primis tantum diebus alvum movere, usquedum ventriculus & intestina inimico humore libera evaserint, quo facto alvum stringit, simul ut nihil restat exturbandum. Specifica hæc purgatione, stomachus restituitur, lingua humescit, redit appetitus, urina colorem saturatum, calorem que acrem & urentem deponit, dolores anxietatesque membrorum desinunt, nocturnus corporis halitus cum ameno tepore, somno tranquillo expirat, nec amplius se prodit febris. Equidem consuetus hic corticis febrilem humorem per alvum eliminandi modus perpetuus non est: cum autem non accedit urinae diluitoris libertate restituta, atque auctâ perspiratione aperit compensatur: Unum tantum ignotum manet, nempe quænam febris, an tertiana, an quartana, an tertiana duplex futura fuerit. Neque mirum videri debet corticem Peruvianum febres omnes intermittentes exorientes, vel etiam unum paroxysmum exortas aquâ vi prostrigare, cum sit earum omnium adularum certum & exploratum Alexiterium, quod dum eas orientes extinguit, sæva symptomata, diurnitatem & languores quos post se trahunt præcidit magno ægorum emolumento; impedit enim quominus febrilis humor quasi fermentum multiplicetur, corpusque universum invadat pervadatque, iteratis paroxysmorum succussionibus functiones omnes naturales, vitalesque invertat, oscillationum cordis & valvularum omnium ordinem constantem perturbet, liquorum tandem omnium qualitates corrumpat & pessundet, nullâ sectionum remanente integrâ. Potens est quidem malignus ille febrilis humor etiam mole minimâ, potentiori tamen specifico Peruviano maturè exhibitio cedit, tunc quæ parva dosi medicamenti parvam veneni febrilis quantitatem domare valet & expungere, quod dosi majori etiam per plures dies exhibitâ non efficit, si pluribus accessionibus multiplicatum fuerit & expansum. Magnam vim habere febrile venenum, sub mole minimâ, pate-

insidioso febrium oriendi modo, minimis que initiis quibus parant exitiale incendium, quod virus, ut Narura viditrix, faventibus Vere & Æstate separando & paucis eruptionibus Erysipelacis ad nares & labia expungendo, extinguit, ita cortex Peruvianus paucis pulvere illud immutando & abigendo confectum sedat.

V.

QUA M latè pateant corticis Peruviani vires, quis sit posior ejus exhibendi modus pro variâ febrium naturâ, variisque eorum symptomatis & circumstantiis temporum morbi & idiosyncrasie ægotantium, quâ formâ præscribendus est, attentâ, studiosâ & ingeniosâ observatione tandem scire omnino compertum habemus. Id solum ab Indis acceptimus corticem Kinakina pulveratum duarum drachmarum pondere febres intermittentes tollere. Initio una tantum dosis pulveris incurrente febris paroxysmo adhibebatur. Paroxysmus inde sequebatur vehementior, sed qui finem imponebat feberi, sæpè post aliquot dies vel hebdomadas redituras. Lignæ pulveris, ejusque effectus inaudiri metus tæneus erat, ut tunc nequidem cogitatum sit de ejus usu continuando ad reditus febrium præcavendos. Unus Eques Talbor Anglus ausus est usum hujus medicamenti continuum præscribere, sublato terrore periculosi pulveris, cui sufficiebat infusione corticis ritè pulverati in vino roseo generoso, quam apprimè decantantem quaerit unâ quaque die propinabat. Hâc arte fiduciam febrifugo restituit, quin Rex verè Magnus Ludovicus decimus-quartus suo ipsius exemplo, suâque erga Anglum munificentia firmare dignatus est: & reverâ vini hujus usu per sex hebdomadas continuas nusquam deinceps febres recurrere visæ sunt. Comparatione autem factâ operationis crudi pulveris cum infusione ejusdem, facile fuit advertere pulverem citius jucundius que febrem comprimere, cum infuso spatio tantum trium quatuorve dierum, conversâ in lentam continuum febre intermittente, duceret ad *Appyrexiam*. Tunc abjecto lignæ pulveris terrore, ad usum ejus continuum confidenter ventum est, interjecto dosibus, ad subsidium Ictoniachi, alimento, quod etiam immediatè post medicamentum utiliter ingeritur. Præterea cortex febrifugus qui periculis quartanis febribus fermè destinatus erat, factus est omnium febrium intermittentium familiare remedium, quin & efficaciter, causæ ramen, datur febribus Æliis sub intransigentium paroxysmorum ratione continuus. Verustas & degeneres febres, in varios languores quasi permutatas, occultas in visceribus intimis perquirat & expugnat, ita ut ejus solius ope videamur quandoque Phrysim, Rheumatismum, Cachexiam, Hydropem ipsam Anasarcam, suavitè & quasi miraculo percurare. Eo tandem experimentis devenum est ut in morbis compolitis, in quibus intermixta febris intermittens inspicio est, & in ipsis quoque febribus intermittentibus malignis symptomatibus implicitis Kinakina Stomacis, Cardiacis, Peccoralibus, Aperientibus, Hypnoticis, habita circumstantiarum ratione feliciter miscetur. Deniquè, experimentalè, rationalique exploratione novimus, corticem hunc Peruvianum eo celestius mederi febribus, quo sunt recentiores; earumque sive in prodromis symptomatis prævisarum, sive unâ accessione constantium, venenum, citò tutèque extinguere & foras amandare. Undè perspicuum est vim illius specificam verè febrium sedativam esse, quâ compresso atque eliminato febrili veneno vim systolicam vasorum componit, humorum impetum frangit, functiones omnes viscerum restituit, solidorum & fluidorum æquilibrium in pacum ordinem reducit; advertendum tamen sedulo saluberrimum hoc remedium sic tutissimè succedere in sobriis tantum modo & nitidâ valetudine gaudentibus, atque ad eò neque Plethoricis, neque Hæmorrhoidibus, neque Cauchymis, absque prægressis necessariis phlebotomiis, purgationibusque esse adhibendum.

Ergò in ipso exortu febrium intermittentium statim ut plurimum Kinakina.

DOMINI DOCTORES DISPUTATURI.

M. Joannes Midy.

M. Michaël-Josephus Majault.

M. Ludovicus - Joannes le Thieullier, Regis Consultarius & in Majori Consilio Medicus ordinarius.

M. Joannes-Jacobus Bèlleteste.

M. Antonhus Ferrein, è Regiâ Scientiarum Academiâ.

M. Nicolaus le Roy de S. Anglan.

M. Michaël-Philippus Bouvart.

M. Bartholomæus Murry, Chirurgiæ Professor designatus.

M. Urbanus Leaulx, Antiquior Scholæ Magister, Exdecanus & Academiæ Censor.

Proponebat Parisiis FRANCISCUS - DAVID HERISSANT, Rothomagus, Baccalaureus Medicus, A. R. S. H. 1741. à sextâ ad meridiem.

Typis QUILLAV. Universitatis & Facultatis Medicinæ Typographi, 1741.